



Papia, Kritisika òf Kibra?



Ta bèrdat ku manera di trata ku otro a bai atras?

Ta bèrdat ku nos ta pèrdiendo e fórmula kon ta pa papia ku otro na un manera desente, ku kompashon i respetuoso?

Ta bèrdat ku nos a pèrdè e tono korekto di papia ku otro?

Ta bèrdat ku nos no ta pensa 'at all' kiko pa papia?

Kon por ta posibel ku nos por a pèrdè e **PALABRANAN** aki fo'i nos vokabulario:

MORU! BON DIA! BONOCHI! KON TA BAI! DESPENSA! POR FAVOR! BO POR A.....! MASHA DANKI! UN PLASER!

Palabranan bulgar, **Palabranan** pa hasi otro doló.

Palabranan insultante, rudo i brutal.

Palabranan sushi, sin nifikashon i kruel.

Palabranan pa kibra otro, negativo koruptivo i destruktivo.

Palabranan mentiroso, seloso i di prehuizio.

Aparte di tur esakinan ta bin aserka, ku nos ta birando un pueblo hopi pero demasiado pesimista, ku hopi kritisikanan infundá, fofo i negativo.

Nos ta **KRITIKA PA KRITIKA** pasobra por. Ta parse ku tur nos mihó ekspertonan ta sinta riba e stul di 'sabe lo todo', den e kantor yama KRITIKA BAI GOL, pero no puntra si, kiko nan ta hasiendo p'e komunidad òf ku kiko nan a kontribuí pa e desaroyo di nos pais. Kiko nos ta ganando ku tur e kosnan aki? E pais a bai mas dilanti? A logra trese unidat i pas?

LET OP! : Nos mester **Kuidou** pa aweró no krea un pueblo sinbèrgwensa ku no tin kunen kiko ningun hende konsehá, koregí, reprende òf instruí.

Nan ta kansa di e mesun hendenan ku tur dia ta kritiká nan fo'i mainta te anochi, fo'i djaluna te djasabra.

Pensa un ratu; **DI BERDAT BO STIMA E PAIS AKI? ORA BO TA PAPIA òf KRITIKA KU KUA KURASON BO TA HASIE?**

Pa fama personal? Pa sa ku bo tei? Bo tambe kier kontá? Talbes bo a 'mis' algu?

Si ta pa adelanto di bo pais, stòp di papia poko i saka un man, sin ningun beheit, i yuda den adelanto di bo pais.

Tin hopi suidadano ku no mester di tur e papiamentunan aki, sino un ayudo físiko, mental òf **spiritual.....**

Superá kustumbenan ménos bon ku ta stroba bo di alkansá éksito

1. Dominá bo lenga.

Pensa bon promé bo papia. Papia solamente ora bo tin sigur ku loke bo ke bisa, lo benefisiá bo mes i lo no hasi dañu na niun hende.

2. Dominá e tendensia di paga malu ku malu.

Tur lokual bo hasi ku otro i pa otro hende ta bini bek pa bo, multipliká!

3. Dominá bo emoshonnan manera amor, odio, miedu i sèks.

Si bo no siña kontrolá e emoshonnan aki, nan lo destruí bo chènsnan di bai dilanti i tambe nan por kore ku bo amigunan.

4. Dominá bo aktitut mental, bo forma di pensa.

Ta abo mes tin ku disidí kiko bo ta pensa ariba i kiko no. Si bo no siña dominá bo pensamentunan, bo por haña te hasta malesanan mental.

5. Disipliná bo mes i dominá e emoshon seksual.

Riba lista di frakaso personal, e debilidad aki ta mensioná komo motibu nr.1.

6. Dominá bo stoma.

Siña tur loke tin di haber ku komentu salu, ku ayuno i ku dieta.

7. Amplia bo konosementu i bo forma di ekspresá riba religion i polítika.

Siña duna otro e mes derecho ku bo ke pa bo mes, pa bo por ta felis i bai dilanti. Siña biba laga biba.

8. Dominá bo mente, ta abo mes tin ku dirigi'é i mand'é kaminda e ta yudabo alkansá bo meta i deseonan.

Saka tur kos negativo ku keda kologá den bo mente.



Sin disciplina propio bo no por risibí sabidoria. Siña pa no laga ferdrit dominá bo fe i sòru pa bo kambia sintimentu di rabia den simpatia.

